


BIBLIOTECA NA SCHOOL BASICO NA BRAZIL



ORANJESTAD (AAN): Dialuna ultimo 19 di april 1993, den presencia di alumnonan, mayornan personal di school y di Biblioteca Nacional, a tuma lugar e apertura oficial di e biblioteca di e school basico Colegio Cristo Rey na Brazil.

E biblioteca ta completo cu buki pa e muchanan di diferente edad (ABC buki), buki di informacion, buki di prechi y buki na ingles y spaño.

E plan pa lanta e biblioteca ta uno di algun luna pasa (october 1992) ora cu school a haya for di BNA un cantidad di buki cu a wordo saca for di circulacion. E intencion ta pa parti e bukinan aki den diferente klas, pero despues e team di school a opta pa pone nan na un lugar central, caminda tur e muchanan por haci uso di e bukinan.

Despues di hopi trabao y preparacion y cu ayudo di

mayornan y cooperacion estrecho di schoolmediatheekdienst di BNA, un proyecto importante a wordo realisa.

Trece e bukinan mas cerca di e muchanan cu e meta principal; promove e placer di lesa. Esaki na su lugar ta promove e habilidad di lesa y tin su influencia positivo riba desaroyo di idioma y consecuentemente riba enseñanza na school.